

晚晴籟詩匯

第六十册

晚晴詩匯卷一百五十六目錄

崧駿 二首

陳銛 一首

汪熙 一首

汪承慶 三首

潘觀保 三首

石中玉 四首

徐錦 四首

嚴咸 二首

秦臻 四首

曹壽銘 十一首

李文田 九首

黃錫彤 五首

陳倬 四首

蔡琳 二首

嚴辰 二首

周光祖 二首

于蔭霖 二首

龔易圖 十一首

英啟 二首

高心夔 三十三首

晚晴移詩匯卷一百五十六

徐世昌

崧駿字鎮青滿洲旗人咸豐戊午舉人官至浙江巡撫

詩話鎮青尊人鶴皋都轉忠廉典嶢兩淮緣事罷官
下獄後得雪鎮青與弟錫侯制軍崧蕃勤苦砥礪卒
自樹立弟兄同時領節鉞鎮青撫蘇浙有惠政在浙
值水災治工賑全活甚衆而奏乞免漕民尤感其惠
及卒於官闕吳山海會寺傍室爲祠祀焉

題潘繹存學使同年西園涉趣圖

緝雅堂開宴公餘偶詠觴吟君珠玉集笑我簿書忙徑竹
朝煙潤池蓮曉露香文星嘗駐節咫尺近宮牆

竹樹書沈沈名園靜綠陰兩番勤露冕獨樹滌塵襟化雨
涵濡意家山去住心他年圖畫裏鴻雪跡重尋

陳銛字子改錢塘人咸豐戊午舉人官內閣中書有碧

蘿庵詩鈔

南歸宿王村

長安居不易匹馬出南圻遠水兼雲度孤禽背日飛江鄉
森戰壘村舍靄林霏向夕暫投轡魂銷游子衣

汪熙字慧生吳縣人咸豐戊午賜舉人官內閣中書有
親籜詩草

重游無隱贈鹿苑

爲訪遠公去筇支石徑斜林風戰枯葉巖日曝寒花石古
重摹字泉甘試瀹茶尋春雖有約我欲泛銀槎

汪承慶字穉泉鎮洋人咸豐戊午副貢官國子監博士
有墨壽閣詩集

鐵佛寺看竹

顛崖望屨屨曲碕厯窳窳暉暉金碧光古剎嵌林表入門
心字清四面琅玕繞新粉漬幽篁芳苞坼叢篠十萬青鸞
尾排空勢天矯涼翠滃作雲壓此一亭小年深花飈多境
靜塵馬少拂檐聲颯颯白蝠大如烏靈旛閃牆陰夕磬飛
木杪山鬼來窺窗虛籟天風嫋

喜雨

殷雷向晚忽喧闐頃刻溝塍似湧泉風勢挾潮知有海雲
容翻墨欲無天芋田葉潤蜻蜓立稻隴花香特牯眠擬約
村翁餐脫粟溼薪幾處滃炊煙

訪師白丈於帆山寓舍劇談竟夕感而有作

相逢訝消瘦執手淚先傾卽此通宵話難窮隔歲情孤鐙
搖旅夢落葉走秋聲明發又言別帆山翠色橫

彭澤集卷之二
潘觀保字辛芝吳縣人咸豐戊午舉人歷官河南彰衛
懷道有鵲泉山館詩

山居述懷

招呼樵侶白雲坳巖塢林深翠欲交一徑桑陰蠶上簇幾
家梅雨燕成巢邊城烽燧驚飛檄身世江湖歎繫匏小隱
林泉終有願要留佳處待編茅

檢校草堂花事

石壁藤蘿引蔓斜茅堂終日對煙霞剪裁入格疏疏柳幽
靜宜人澹澹花圃有餘閒添竹石詩成雜詠半田家山廚
供饌多風味更喜鄰翁餉筍芽

袁江道阻南歸感成

倚櫂歸來欲暮天未秋簾幙已成煙桃花泣露無情豔柳

絮團風不肯圓極目關河疑昨夢斷腸情緒最今年平生
愧說劉司戶一樣飄零絕可憐

石中玉字蓮舫嘉興人咸豐戊午舉人官富陽教諭有
蘊真堂詩集

題趙桐孫銘鴻爪集

一字一行淚奇詩亂逼成刀邊逃黑劫灰裏弔蒼生抑塞
憂時志悲涼變徵聲長歌爲擊節罷酒涕交橫

悼亡潘岳賦憶弟杜陵詩百感逢秋集孤吟有夢知寓公
嗟落寔病骨枕支離余亦同枯寂蕭蕭換鬢絲
掩卷忽不懌爲君拂素琴荒村風雪夜何處得知音烽火
遷延久家園感慨深壁間一長劍遙和作龍吟

富陽春興

曉郭桑陰翠
輭鋪丹青別
補大癡圖階前
蝴蝶春深淺
江上鱗魚信
有無蘭箭晨
抽香露溼茗
旗晴展嫩雲
扶晝長吟罷
渾無事祇合
垂綸侶釣徒

徐錦字瀛臣號蘭史嘉興人咸豐戊午舉人有靈素堂

遺藁

趙桐孫曰蘭史治舉業才氣橫溢不主故常歲戊午以第一人舉於鄉益肆力於古詩瑰麗似義山奇拔似長吉歌行跌宕淋漓善學太白尤擅勝場性孝謹遇寇亂遭父喪避地奉母悲咤不自聊遂卒年二十九

罄陽道中

山光不宜近刻露愁太洩護以煙樹蒼窈窕態奇絕衰雲堆鳥外穉日吐林缺客車屢沿轉樵路通屹囑疏鐘斷易沈遠村明復滅迴峰似螺旋下有筑泉冽人面沐晨霏馬

蹶蹴冰裂始知入山深山外固未雪牽蘿懷美人瓊想互
縈結聳肩時一吟唳雁共淒切

章夏

前山鳳迴翔後山龍騰踊偃仄盤綫路俯視神一悚路轉
巒西迴林霏隔溪滄振策朔風勁潑面寒霧重吞日嶺中
裂扶崖雲四擁欲落不落勢石骨與秋聳匹馬踏之上全
山綠俱動輪轅走詰屈出險可賈勇駐轡定驚魂罡飈吹
從從夕陽迫崦嵫炊煙起遙隴

沂州望蒙陰諸山

好山半不名背郭互起伏停鞭一迴望始知山色綠高樹
搖殘霏幽筠媚新沐陽岫竄驚雉陰崖走歧鹿崇睇渺蘭
坂陂轉礙曠矚煙霞繚其外不辨巖與谷微聞溪澗聲急

溜奏琴筑安得郭熙筆皴碧入綃幅

送楊利叔孝廉象濟之楚中

躍馬衝寒復比晨鷓鴣嘯罷雨如塵關山險處難行路痛哭書中老此人身在未孤三尺劍檄成曾泣兩河民知君借箸征西幕寄語嫫媯勉拊循

嚴咸字受安激浦人咸豐戊午舉人有受庵詩鈔

詩話受安以名家子負儁才不可一世得在易疾以卒湘潭王王秋為作傳一時傳誦其夜雪集論詩絕句於受安有搥碎湘綺樓之句推服尤至遺詩亦王所刊實未成其業也

清浪灘

晨瘴鬱林表山川澹如滋湍迴石欲動流驚舟已飛桂棹鼓清波荷衣飄會颺翻瞻神鳥萋菲翫春蕙舉芷將有贈濯纓此其時遐想孺子歌屢動王孫思索幽神有會履

險心反夷始悟涉川者忠信洵堪持

懷伯常向十八

空翠清秋色蒼茫萬里心遙知湘水廣不及客思深賈誼
將陳策昭文獨鼓琴石亭一揮手風雨到而今

秦臻字茵風金匱人咸豐戊午舉人有冷紅館贍橐

虞山記游

空香來微茫鳥語不知處偶隨磬韻尋梅花落無數薄薄
花生煙滴滴花含露道心相與淡無言獨自悟快意登層
樓遙看海山暮雲煙法席開日月禪龕護山僧頗不俗與
花同寒素一心懺佛緣勿令風號怒留此峯頭雪好索幽
人句

約茗龍縫泉用山谷謝黃司業寄惠山泉韻

偶持喬雲小蒼璧
相約試泉不用書
山骨清裂暗脈動
乳水決竇生露珠
我心久枯舌不腴
活火乍發蟹眼如
煎成一甌競先飲
撐腸五岳澆爲湖

梁溪秋泛

疎疎水柳蘸輕波
新霽江村曬短蓑
紅蓼花稀蘋葉老
寒塘猶唱采菱歌

家家小艇繫柴扉
秋水生時沒釣磯
日暮漁人未歸去
樹頭一對竹雞飛

曹壽銘字文孺初名炳言字煊齋會稽人咸豐戊午優貢候選知縣有曼志堂遺藁

詩話文孺以制藝名久困場屋遂致力於詩與里中舉社同人相唱和作詩必求一字之安彈思精索志在傳世歿後李越縵侍御哭以詩云祗有文章能損壽須知祿命本無官可以見其平生矣

東武山

寶林初地接蓬萊於越何年異境開孤嶼煙雲浮海出諸
天風雨挾山來城陰屈曲銜鐙塔樹色清涼護講臺莫問
前朝朱相國斷垣遺碣鎖蒼苔

月夜舟中卽景同眉叔

晚理東臯楫言尋北郭廬林昏霜氣聚江靜月輪孤山勢
臨流險村容帶樹枯衡門知不遠隔水市鐙疏

贈日本使者倉松敖

曉日扶桑壯節旄使臣修貢出詞曹殿班柳拂銀蘂佩唐書
外夷傳日本國貴者佩銀蘂 海泊霜明赤冶刀重譯文章通上國八荒
珠玉會神泉漢家月色春申浦萬里滄波去夢勞

任秋田明經勝讀書祇園菴柯巖之游擬枉道過訪

驟雨不果詩以寄懷

絕磴蒼茫俯碧潯，煙蘿寂寞此登臨。已餐石氣清詩骨，欲就禪花證佛心。隔岸雲山無鶴導，滿湖風雨作龍吟。歸舟悵望江頭路，祇園在江頭村杳杳疏鐘度水深。

偕眉叔訪李悉伯民部

慈銘

四鼓出北郭，宿縵雅堂

遙峯遞煙林，頽陽帶江郭。暝扈依晴沙，歸禽墮霜籜。命楫東皋村，款關種山麓。戶外雲冥冥，卧龍失寒綠。幽棲遺塵喧，孤花自開落。

解榻劇情話，殫襟開朋尊。村籜及新熟，味酸寒不稜。霜氣壓疏屋，菊影涼初鐙。詩論抉纖謬，至詣窮元根。悉伯為點定拙草且吾道外榮落，所契在苔岑。清風泠然來，竹外鳴

茶筌

示白華終
跌閣集

促坐忘深宵言歸理孤榜戍鼓水西門
籛火煙中港夾舷
瑟沙蘆風柯答寒響迴睇所來徑缺月墮林莽歸卧北郭
廬清夢謝塵鞅鄰鐘時一鳴旋促初暎上

送悉伯之楚應學使張公之聘

荆門九派水如煙此去關河落木天
春苑鶯花京國夢秋風鷗點洞庭船
酒邊供奉懷人句客裏馮唐未老年
大好青山無計住辦餐知少畫叉錢

北固金陵指掌看吳山遙接楚雲端
大江潮落孤帆急幕府秋深萬馬寒

君取道金陵將
講湘鄉揆輔

南國文章收杞梓美人騷

怨問椒蘭何當重獻明光賦回首觚稜夜倚闌

題幼眉鷗水草堂詩即用留別

我初讀君詩與君未識面謂是古人作舌咋目先眩昔昔

思見之未由覲青盼邂逅忽相遇愕眙疑夢幻貌疎神愈
親象忘意無間西陵樹若薺鏡湖水如靛東西遙相忘伯
勞與飛燕會余來東臯假館比羣彥風騷嗣前軌東中盛
壇坵君尤橫無敵跳盪恣白戰赤手搏修蛇耿天倚長劍
意行無危途遁狀懾物變老榦芟繁條古藻謝今豔俗儒
喜緣飾往往肆譏訕介然一是爭卓爾千春券與余獨神
契兩載結歡忭詩論窮毫芒危言苦鍼砭學殖愧荒落蕪
穢資鋤鏟確玉攻纖瑕鍛金礪微欠道義古所敦方茲信
不忝所冀無乖離昕夕共樽讌苒苒驚流光二曜迅飛電
攬鏡搔短鬢髮容羨童艸壯志非疇曩頰首事薄宦別袖
發耶谿征車指畿甸出門愁惘惘風雪凍兩鬢飛沙欺天
光層冰滑磴棧落日羸馬嘶荒驛敝裘綻豈不樂朋簪驅